



MEĐURELIGIJSKO VIJEĆE U BOSNI I HERCEGOVINI  
МЕЂУРЕЛИГИЈСКО ВИЈЕЋЕ У БОСНИ И ХЕРЦЕГОВИНИ  
*Interreligious Council in Bosnia-Herzegovina*

## **Poziv za dodjelu malih grantova za žene**

Jačanje međureligijskog dijaloga u Bosni i Hercegovini (SID)

Međureligijsko vijeće u Bosni i Hercegovini (MRV) objavljuje javni poziv za male grantove za 15 odbora MRV-a. Mali grantovi će se dodjeljivati na temelju prijedloga za promociju međureligijskog dijaloga koje odbori dostave. Aktivnosti koje će se podržati kroz male grantove omogućit će vjerskim službenicima da rade zajedno sa ženama u svojim lokalnim zajednicama te da jačaju međusobne odnose. Mali grantovi će se dodjeljivati kroz projekt: Jačanje međureligijskog dijaloga u BiH (SID).

Poziv za prijedloge projekata je otvoren od **18. juna/lipnja do 08.jula/srpnja**. U 2018. odbori mogu aplicirati na male grantove u iznosu **od 2.283,00**. Svaki odbor može aplicirati na ukupno dva mala granta za žene, ukoliko je treći mali grant za mlade.

Ukoliko odbor procijeni da je projekat koristan za lokalnu zajednicu i promovira međureligijski dijalog, a izlazi iz okvira budžeta granta u iznosu od 2.283,00 KM, odbor takvom projektu može dodijeliti iznos sredstava drugoga granta za žene kako bi došlo do kvalitetnije provedbe projekta. U tom slučaju ukupna sredstva za grant iznose 4.566,00 KM.

### **Kriteriji za dodjelu malih grantova**

#### **Uvjeti:**

- Zahtjev za mali grant mora podnijeti odbor. Zahtjev za male grantove moraju podnijeti najmanje 2 osobe, koje čine grupu podnositelja zahtjeva za mali grant;
- Zahtjev za grant mora biti odobren od strane svih članova OMS-a u skladu s Pravilnikom o odborima i dobroj praksi MRV BiH;
- Zahtjev za mali grant se odnosi na aktivnosti pozitivnog međureligijskog dijaloga i pomirenja;
- U realizaciji aktivnosti koje se finansiraju malim grantom sudjeluju različite vjerske grupe;
- Zahtjevi za male grantove obuhvataju aktivnosti koje su usmjerene na promoviranje i poticanje pomirenja. Takve aktivnosti su dijalog, zajedničke radionice o pomirenju ili zajedničke aktivnosti kojima se promovira međureligijski dijalog;

- Mali grantovi se realiziraju na teritoriji jednog ili više odbora/općina uključenih u projekt SID;
- Lokalni odbor, odnosno zajednica imaju korist od malog granta;
- Iznos sredstava koji se traži ne može biti ispod 2.283,00 KM niti veći od 4.566,00 KM;
- Mali grant mora biti izvodljiv u pogledu predviđenih sredstava, vremena i ljudskih resursa;
- Mali grant od 2.283,00 KM se realizira u periodu do maksimalno 45 dana;
- Grant od 4.566,00 KM realizira se u periodu do 90 dana, a maksimalno do 120 dana;
- Zahtjevi za male grantove koordinirat će se s članovima odbora, odnosno lokalnim vjerskim službenicima i dostaviti u pisanom obliku na na zvaničnu e-mail adresu MRV-a ili u krajnjem slučaju putem pošte/faxa;

#### **Kriteriji za diskvalifikaciju:**

- Ako se malim grantovima podržavaju projekti koje su osmislile političke stranke u zajednicama;
- Mali grantovi koji pozivaju na bilo koji vid nasilja i diskriminacije i koji promoviraju zloupotrebu alkohola ili narkotika ili nezdrav način života;
- Plaće i naknade članovima grupe koje realiziraju mali grant;
- Doprinos za koordinatora projekta koji prelazi 10% ukupno dodijeljenih sredstava;
- Operativni i administrativni troškovi koji prelaze 10% ukupno dodijeljenih sredstava;
- Troškovi nabavke elektronske opreme (foto-aparati, kompjuteri, laptopi, kopir aparati, i sl.) u iznosu koji prelazi 30% ukupno dodijeljenih sredstava;
- Troškovi veći od 200 KM koji se ne mogu platiti putem banke; i
- Najam opreme (bilo koje vrste) od fizičkog lica.

#### **Posebni kriteriji za dodjelu malih grantova za potporu žena**

Međureligijsko vijeće u BiH bavi se međureligijskim dijalogom, kako na institucionalnoj razini tako i na razini ljudskih odnosa i izgradnje civilnog društva kroz svakodnevne aktivnosti međureligijskog dijaloga, a sve u cilju poštivanja vjerskih tradicija i struktura crkava i vjerskih zajednica. Primarna ciljna skupina MRV-a su ljudi koji vjeruju, odnosno koji svoj život i svjetonazor temelje na tradiciji svoje crkve i vjerske zajednice. Vjerski službenici će unutar odbora predložiti žene i motivirati aktivistice kako bi postale članice neformalnih grupa žena, koje će učestvovati u aktivnostima, posebno one koje se odnose na male grantove, i koji će se uvezivati kako bi uključili i druge žene u rad odbora.

*Posebni kriteriji za male grantove za potporu ženama:*

U projekt su uključene najutjecajnije žene na lokalnom nivou

- Predloženi projekt uključuje definiranu ciljanu populaciju žena
- Predloženi projekt obrađuje teme koje su relevantne za žensku populaciju
- Predloženi projekt je održiv i može se primijeniti i u drugim odborima
- Vidljiva je korist za lokalnu zajednicu

### **1.1 Profil ciljane populacije žena**

S obzirom da su u lokalnim odborima uglavnom muškarci, pokazala se potreba za uključivanjem žena u provedbu projekta SID pa će, shodno tome, mali grantovi za žene biti dodijeljeni u svih 15 lokalnih odbora. Vjerski službenici će predložiti aktivistkinje koje će aktivno sudjelovati u malim grantovima. Međureligijsko vijeće će učesnice birati na temelju sljedećih kriterija:

- Spremnost za saradnju sa ženama iz različitih vjerskih zajednica;
- Interes za volontiranje i rad u zajednici;
- Spremnost za sudjelovanje u procesu pomirenja i izgradnje mira;
- Aktivno učešće u svojim vjerskim zajednicama; i
- Spremnost za učenje i provedbu aktivnosti vezanih za male grantove.

Profil ciljane populacije žena obuhvaća:

- žene koje su trenutno članice lokalnih odbora MRV-a i koje su prepoznate kao aktivistice unutar odbora.
- Žene vjernice koje su prepoznate kao najutjecajnije žene, ali koje još uvijek nisu članice odbora MRV-a
- žene učesnice u aktivnostima odbora (okrugli stolovi)
- članice mreže žena vjernica

### **Kako, komu i kada poslati prijedlog malog projekta?**

- Odbori svoje prijedloge projekata šalju putem e-maila: [office@mrv.ba](mailto:office@mrv.ba) ili putem pošte/faxa
- Ažuriranje prijedloga malog projekta ne bi trebalo biti duže od 5 dana nakon što je odbor obaviješten i zatražen za dodatna pojašnjenja

### **Odabir i rezultati**

Komisija za odabir malih grantova (koja je sačinjena od članova iz MRV-a i CRS-a) će napraviti odabir projekata najkasnije 15 dana od dana prijema prijedloga projekta. Tokom ovog procesa,

odbori će biti kontaktirani kako bi eventualno pružili dodatna objašnjenja prijedloga projekta. Svi rezultati će biti objavljeni na stranici MRV-a, a odbori će sukcesivno po zasjedanju komisije biti obaviješteni o svojoj aplikaciji. Nakon objavljivanja rezultata, odbori imaju pravo žalbe u roku od 5 dana od pismene obavijesti o prihvaćanju ili odbijanju prijedloga projekta. O žalbi razmatra Izvršni odbor MRVa na prvoj sljedećoj sjednici.